

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Joh. Jonstoni Thaumatographia Naturalis

Jonston, Jan

Amstelodami, 1661

Caput XXXIX

urn:nbn:de:bsz:31-97032

que aliunde importatæ infodiunt. Visum illis deest scribit *Aristot.* at Gesnero liquido apparent oculi. *Præminent*, inquit, *extra cutim veluti puncta nigra, magnitudine seminis milii, vel papaveris, nervo affixa.* Quin & doctus quidam apud *Gesnerum* vir, in dissecta ferus aliquot se reperisse narrat, majusculis capitibus, in quibus etiam oculi. Delectantur bufonibus, & proprio exemplo testatur *Albertus*: sed ranas etiam bufonesque talpam edere mortuam, idem expertus est. In fistula lachrymali pulvere talpæ ustæ in potu dato, curatus est *Iohannes à Verlin Consul Gedanensis.*

CAPUT XXXIX.

DE TATO & TIGRIDE.

Tatus quadrupes peregrina. Duro munita est cortice, squammatæque testa, ita ut facile caro ejus exiri possit. Vidimus eam primo *Andreapoli Scotorum, urbis archiepiscopali, antiquissima Academia insigni, in Pinacotheca nobilis & humanissimi viri Domini Iohannis Arneti Commissariatus in Archiepiscopatu Fani Andreae Protonotarii, hospitis nostri.* Quia vero se intra testam retrahit, Erinacei Brasiliensis species existimatur. cognatû ei illud, quod in nova Hispania *Avitochli* dicitur, felis magnitudine, anatis rostro, pedibus Ericii, collo longo; grunire referunt ut suem. De *Tigride* pauca habeo quæ dicam, nisi historiam *Petri Martyri* adjicere velim, de quodam in *Dariæne* novi orbis insula. Inestabat totam viciniam homicidiis adeo, ut nemo extra domum tutus; serobi post effossæ illapsus, sudibus acutè in fundo fixis hæsit; tam adhuc validus, ut in mille frustra hastas desuper injectas confringeret. Saxi tamen post interemptus est. Caro cocta, aliquid de ea se comedisse *Ledesma Hispanus* dixit, bovina nihil deteriorem fassus. Alias celeritas illi insignis inest, ut *Zephyro* comparetur ab *Oppiano.*